

در سعادتده یکی پوسته خانه قارشوسنده
دائرة مخصوصه در

عل اواره :

مستطابق

دين، فلسفه، ادبيات، حقوق و علوم دن باحث هفته لق رساله در

مسلكنزه موافق آثار جديده مع المنويه قبول اولنوره
در ج ايديلمين آثار اعاده اولتاز

انظار :

مؤسسلرى : اوالعلا زين العابدين -- ح. اشرف اديب

تاريخ تأسيسى :

۱۱ نموز ۳۲۴

در سعادتده نسخه سى ۵۰ پاره در

تيريله دن مقوا بورو ايله كوندريليرسه سنوى
۲۰ غروش فضله آلنير.

در سعادتده پوسته ايله كوندريليرسه ولايات بدلى اخذ اولنوره

سنه لى التى ايلغى

۳۵	۶۵
۵۰	۹۰
۵۰	۹۰

در سعادتده
ولاياتده
ممالك اجنبیه ده

عدد : ۱۳

۳۲۶ شوال ۲۴ پنجشنبه ۶ تشرین ثانی ۳۲۴

برنجى سنه

صفحات حیاتدن

بشمبئی اختیار

سنین عمر شداند کزین اولمیدر
جبین پاکنه پیرک بوچین یاسی ویرن .
اندۀ طاریسی ، هوشنده ملک سیاری ،
کیدر .. اوکنده توکنز فضای رنج و محن .
زمان اولورکه اوزاقلده بر سراب اولهرق ،
چکر غریب کوزندن خیال ناز وطن .
سونوک نگاهی بیدار ایدردی بلکه امید ،
خیاله اولسه مساعد شومشی تاب افکن !
چکر شو باری حیاتبه هپ حیاتی ایچون .
بیانسه آه شو بار حیاتی چکمه نهدن ؟

همسۀ عاکف

2006-2006

عدالت

عدالت ، افراط و تفریط بیننده برامس متوسطدر . عدالتک حائز
حسن ذاتی برصفت عالیله اولدینی مسلم انامدر . چونکه بونک قبحنه
قاتل اولمش ویا اوله جق هیچ برکیمسه ، هیچ برشخص متصور دکلد .
الظلم ، الاعداد ، الوحشی برکیمسه بیله عدالتک نه دیمک اولدینی
بیلیردکن صوکر « بونک ای برشی اولدینی انکار ایدمیلورمیسکز ؟ »
دیه سورولسه ، انک طرفندن : « اصلاً ! » جوابی ویریله جکنده شبهه
یوقدر . حقیقت حال بومرکزده اولدینی حالده غریبدرکه خلقت
بشردن بری بوخصلت عالیله بی احراز ایدن ذوات پک نادر اولهرق
کورولمشدر ، عجبابونک سبی نه در ؟ اوت ، حسن ذاتیسی هرکسجه مسلم
اولان بوبله برصفت جلیله وخصلت مدوحیده اکثر ناسک بیکنه بولونمسی
نه کی امانه مبنی در ؟

بوسؤاله جواب ویرمک ایچون انسانک حائز اولدینی قوتلر و بو
قوتلرک هانکیسی هانکیسنه غالب اولدینی و نتایجی تأمل لازمدر .
معلومدرکه انسانده درت قوت دارد :

شهوانیه ، غضبیه ، وهمیه ، عقلیه بو قوای اربعمه دن دردنچیزی اولان
قوة عقلیه ملکیه تأدیب و تهذیبه محتاج دکلد . چونکه بو قوت ،
ارواح قدسیه علویه نتایجندن اولوب انسانی دائماً خیراته ، معالی یه
سائقدر . بوبله پاک ، هر درلو شائبه کدورتدن منزّه ، مقدس
برقوتک تأدیب و تهذیبه غیر محتاج اولدینی شبهه سرذر . فقط دیگر
قوتلر همه حال تأدیب و تهذیبه محتاجدر . چونکه اونلر صرف حیوانی ،
صرف بیمی و شیطانی برطاقم قوتلردر . بونلردن قوه شهوانیه لاند شهوانیه بی
تحصیله ، قوه غضبیه خلقه شرو بلا واذابی ایصاله ، قوه وهمیه خلقه
اوزرینه تسلط و تحکمه و اظهار ریاست ایله ترفع و تقدیمه انسانی سائقدر .
ایشته کورولورکه بو قوتلردن انسانی خیره سوق ایدن یالکز بری

اولدینی حالده دیگر اوچی انسانی دائماً شره سوق ایتکده در . عین
درجه ده بولسان بو قوای اربعمه دن یالکز برینک دیگر لرینه مقاومت
ایده میه جکی ایسه اجلائی بدیه یاندندر . بونک ایچون خلقت بشردن
بری قوه عقابیه سی دیگر قوتلره حاکم ایدم جک ذوات پک نادر اولهرق کلشدر .
شو حالده بو اوچ قوتی ممکن اولدینی قدر تأدیب و تهذیبه چالیشمی که
بین القوا برنوع اعتدال حاصل اولسونده انسان نه بتون بتون عالم لاهوته
اتصال ایله شودار دنیا ده موجودیت ناسوتیه سنه ترتب ایدن وظائفدن
محروم قالسون ، نه ده بالکلیه درکۀ سفلی بهیمیه تنزل یله بی نوعنک
باشنه بر بالای مبرم کسپلسون . چونکه عدالت هر شیده لازم اولدینی
کی انسانک انسان ارسنده ده لازم و بلکه ده الزمدر . زیرا عدالتی
اجرا ایدم جک انساندر . کندی خلقتده ، کندی خلقت اصلیه سی
اعتبار یله حائز اولدینی قوتلر آراسنده عدالت بولمازسه بی بو عینه مکلف
اولدینی وظائفده اجرای عدالت قابل میدر ؟

فقط فضائل سائرده اولدینی کی بو قوتلری دخی برحد اعتداله
کتیرمک پک چوق مساعیه وابسته اولدینی و بومساعی ایچون انسانک
کندی کنندینه ادراک ایدمیه جکی پک چوق طرق ووسائلی بولندینی
جهتله الطاف الهیه و مصالح سبحانیه جله سندن اولهرق بو طرق ووسائلی
تسلیم و تفهیم ایدم جک پک چوق انبیا کاش و نهایت بووظیفه مقدسه بی ذکای
بشرك دور تکاملی ایله متناسب اوله جق برصورت مکمله ده ایفا مقصد
قدسی الهیسی ایله خواجه کائنات علیه اکمل النبیات افندمن حضرتلری
کافۀ امم واقوامه بعث وارسال سورولمشدر ، که « بعث لاتم مکارم
الاخلاق » [۱] حدیث شریفنک مضمون مالیه دخی بو حقیقی مبیندر .
فضائل سائرده دن بحثی بروقت مناسبه تعلیق ایدم ده شیدیلک عنوان
بمختمز اولان « عدالت » ی برآز تفصیل ایله لم :

حائز اولدینمز قوی آراسنده عدالت لازم اولدینی کی مکلف
اولدینمز شیلرک جله سنده دخی عدالت لازمدر ، از جمله اعتقادده عدالت
لازمدر ، واجب الرایه در . اعتقادده عدالت اولاً برالهک وجودتی
تصدیق ، ثانیاً و الهی بالجملة صفات کالیه ایله توصیف و بتون نقصان صفتلردن
تنزیه در . زیرا الهک وجودینی و یا خود صفاتی نفی یتیم تعطیل محض
اولدینی کی . « الله جسمدر ، جوهردر ، برطاقم اعضادن مرکبدر ،
برمکانه اختصاصی واردر » دیمک دخی تشبیه محضدر . اما « الله واردر »
بتون صفات کالیه ایله متصفدر ، جسمیتدن ، جوهریتدن ، اعضا
و جوارحدن ، مکان وزماندن منزهدر « دیمک ایسه ، بویکیسی آراسنده
برامس متوسط اولدینندن ، عین عدالتدر . سائر مسائل اعتقادیه ده دم
حکم بوبله در ، مثلاً : « انسان ایچون قدرت و اختیار یوقدر » دیمک
جبر محض اولدینی کی ، « انسان افعالنده مستقلدر ، کنندیسندن صدور
ایدن بتون فیلرک موجدی کنندیسی در » دیه اعتقاد ایلمک دخی قدر
محضدر . چونکه بونلرک بری افراط ، دیگری تفریط اولدینندن ایکسی
دخی مذمومدر . حالبوکه « انسانک افعال اختیاریه سی واردر . لکن

[۱] مکارم اخلاق اتمام ایچون بعث اولوندم .

ایده جاك همج بر عقل سليم متصور دكلدر . چونكه بر حكومته عدالت اولماز و تبعه سی ده بوعدالتسزلكه قارشى مسكینه تحمل ایدرك ، هر درلو مظالمه بویون اكهرك ، حقوق طبیعیه و مشروعیه لرینی استحصاله قیام ایتمز و یاخود قیام ایتدیكى حالده الهیاذ باه بوكا موفق اوله ماز ایدرلر هرج و مرج اوله جقلری و بوفرستدن بالاستفاده حكومات متجاوزنهك مداخله واستیلاسنه معروض قاهره ق مملكتلرینی ، قومیتلرینی ، ملیتلرینی قائب ایده جكلری شبهه سزدر .

بناءً علیه بشرقی صوری و معنوی اوج كاله ، بالجله اقوام و مللی صراط مستقیمه ، و بتون حكومانی مناج سعادته ایصال ایده جك وسائطك اك مهمی واك برنجیسی هر خصوصده اجرای عدالت و بتون افعول و اطوارده حقانیته رعایت در .

موسى لاطم

دار الفنون طلبه سنه

مهم بر بشیر

محترم قارادشلم ،

معارف نظارتجه یاپیلان تنسیقاندن مکتبکزده وایه در اولمش سزده یكى ، قیمتلی قیمتلی معملر تعیین ایدلمش . هیئت تعلیمییه تشکيل ایدن ذواتك چوغنی مملکتزجه اوتهدن بری معروف اولدینی ایچون بن سزده یالکز ادبیات عربیه معلی علی فهمی افندی حضرتلرندن بحث ایده جكم . حضرت هر سك مقتی سابقدر . بش آتی سنه اول همشهریلری طرفندن کوندریلن بر هیئت سیاسیه ره رئیس اوله رق استانبوله کلمشدی که اوزماندن بری شهریمزده بولنیور . کندیسنی ایلک دفعه بر آشنای قدیمك اونده کورمشم . خانه صاحبندن بنمده لسان عربله براز توغلم اولدینی ایشیدنجه بكا پك بیوك توجهرلر ، التفاتلر کوستردی . ادبای عربدن کیملری طانیدیفمی ، نه کی آثار ایلله متوغل اولدیفمی صوردی . اوزاتمایلم ، محاوره ادبیانه ، تاریخه ، بالخاصه تاریخ اسلامه دوکولدی . بن شعرای جاهلیه دن اولسون ، مخضرمین دن اولسون ، مولدین دن اولسون ، کیمک بر بیتنی انشاء ایده بیلدمسه خواجه کز آتتی اوستنی ، اوکا مناسبی اولان باشقه شاعرلرک اشعارینی اوقومقده هیچ صیقتی چکمدی .

بیلیرسکز که عربك ایامی ، وقایعی ، قبائلی ، انسانی مضبوط اولمقده ادبیاتی ده ، ممکن دکل ، آکلاشیله ماز . « کثیر اخطی شو بیت ایلله ، جریرده راعی بی شوقصیده سیله بیتیرمش ... » دیرلر . سز ایسه و بیتلرده نه سوکوش ، نه دوکوش ، خلاصه هجوه عائد بر شی کوره مزسکز !

ایشته علی فهمی افندیك صایدیفم مباحثده اوقدر رسوخلرینی کوردم که باشقه سی سوبله ییدی اینانه مازدم . لسان مبین عربیه جوققلغندن بری شدتلی برانجذابم اولدینی ایچون اربابی هر زمان آراردم . حق عربستانک بر خیلی یرلرینی طولاشدم ، ادبای عربدن بر خیلی سیله کوروشدم . طوغرسی لسانک دقائقی ، ادواری ، قواعدی ، ادبانی ، عربکده تاریخی خواجه کز قدر العرافلی تتبع ایتمش کیسه کورمدم .

قدرت وقوی واسطه سیله اجرا ایتکده در « دیه اعتقاد ایلک ، شوایکی اعتقاد راستنده براسر توسط اولدیفندن ، عین عدالت و محض حکمتدر . کذا اعمالده ده عدالت لازمدر ، واجب الرعايه در . مثلاً : بعض اقوامك ظن ایتدکلری کی تکالیف الهیه بی بالکلیه فی ایتک تقریط محض در . ودیگر بعض اقوامك زعم ایتدکلری کی لذائذ جسمانیه دن بالکلیه اجتناب ایلک ونفسی تمذیب خصوصنده مسالغه ایتک و حق ترزجیدن بیله احتراز واستجاب ایلک و کندینی آتسه آنوب یافق و بوکسك بر محله چیقوب کندیلرینی آشغنی طوغرو آتقی صورتیه انهاره تصدی ایلک افراط محض در . و بناءً علیه بویکیسی ده شرعاً و عقلاً مذموم در . . . حالبوکه ، بوتون تکالیف الهیه مجرد منافع عبادی تأمین مقصدینه مبنی اولدیفنه بناءً بوتکالیفی بر نعمت عظما بیله رك ازل و جان قبول ایتک وصحت ابدانه مدار اوله بیله جك اغذیه نافعیه تناول ایلک و هر نوع کالی تحصیل موقوف عیبی اولان وجود انسانی بی محافظه خصوصنده لازم کلن تدابیر عحیه به توسل ایلک ونوعك بقای تناسله ، توالده متوقف اولدیفندن نساء ایلله تزوجی لازم الاجرا براسر اولق اوزره تلقی ایتک ، شو بویکیسی آره سنده برحالت متوسطه اولمغه ، بوده محض عدالت وعین حکمتدر . اعضا و جوار جزء تعلق ایدن افعال سائرده دخی حکم بویله در ، مثلاً : دین موسی علیه السلامده قاتل متعمدی همه حال و صورت ایتک لازمدر ، بوقاتلی عفو ایتک اصلا جائز دکلدر . دین عیسی علیه السلامده ده قاتلی همه حال عفو ایتک لازمدر .

بونک برنجیسی تشدید محض ، ایکنجیمی ایسه تخفیف محض در . حالبوکه شریعتزجه بومسئله ده ولی مقتول طلب قصاص ایلله عفو آره سنده مختاردر . بویسه ، شوایکی حکم آره سنده براسر متوسط اولدیفندن ، فی زماننا محض عدالت و موافق مصلحت در . چونکه انسانر نه زمان موساده (ع) اولدینی کی بوتون بوتونه خشین الطبع در ، نه ده عصر عیساده (ع) اولدینی مثلاً و صوک درجه لین الطبع در . بویکیسی آره سنده متوسط برحاله در . بویله متوسط برحاله بولونان اقوامده بر حکم متوسط اجرائی البته موافق حکمت در .

کذا بین الناس جاری اولان معاملانده دخی عدالت لازمدر . از جمله بیعه ده عدالت لازمدر . بایع بر مالی دکر یله صاعلی در . مشتری ده آلدینی مالک ثمنی حین عقدده مقاوله اولوندینی وجهله ادا ایللی در . اجاره ده ، عقود سائرده دخی اولوجهله معامله جاری اولمالی در . اگر بویله اولماز سه معاملات ناسه خلل طاری اولور ، ترقی و تمالی قابل اولماز . چونکه کیسه کیسه امنیت ایتمز . امنیت اولماز بجه تجارت ده اولماز . چونکه امنیت ، تجارتك اس الاسبی در . تجارت ایسه روح مدنیت و مدار فیض وسعادت در .

کذا حکومتده ده عدالت لازمدر . زیرا عدالتسز حکومت پایدار اوله ماز . تنکیم صحایب تاریخ بوکایوک برشامدر . دنیانک همج بر طرفده همج حکومت ظلمه نك پایدار اوله مدیفنی تاریخ بزه پك آچیق بر صورتده کوسترمکده در . تاریخ بوجقیقی کوسترمه مش اولسه بیله بونی انکار